

LOS TILHOLERS

1- Avetz-vos vist los tilholèrs)
Quan son braves, hardits, leugèrs,) *bis*
Hasent la promenade,
Capsús Pèirahorada,
En tirant l'aviron,
Tot dret entau patron ?
Tra la la la la la la la la la
Tra la la la la la la la la.

2-Per promenar lo temps qu'ei bèth)
Embarcatz -vos au nost' vaishèth.) *bis*
La nosta governanta,
Qu'ei berdia e charmanta,
Per estar de París,
Que sembla deu païs.

3-Vienetz, Mesdames, si vos platz,)
Aci qu'èm d'aunèstes gojats.) *bis*
Non cranhetz la galèrna
Ni lo vin de citèrna:
Dab nos qu'am Chatelièr,
Lo brave tilholèr.

4-En arribant au Pont-Major)
Quartier de Baiona la flor,) *bis*
Deu haut de la tilhòla,
Qu'an hèit la cabriòla.
Deu haut de Panecaut,
Qu'an hèit lo subersaut.

5-Puish en reprenent l'aviron,)
Que se'n van dret a Sent-Leon) *bis*
Ensenhar la joenessa
Per banhar dab hardiessa,
Per apréner com cau
A har lo subersaut.